

大隱廬詩州

公武先生大鑒拜讀 康遊吟一百二十一首其中山川險易道途遠近
以及物產風土之所載豈第開闢詩壇邊塞之思而於建設西北安置流
亡之大計裨益實多卽以詩言 先生固長於絕句者覃思妙語膾炙人
口已久而此百餘首尤爲工力純淨塞外飛沙走石之事以明細綿密之
筆出之極爲難能可貴昔人絕好文字每得力於漫遊海內况 先生出
關萬里宜其得塞上山川磅礴之氣爲多也玩味再四佩服無旣欲題奉
數句而對此洋洋巨製不敢下筆久之近日事簡勉爲六律知其中謬誤
必多仍乞 詩翁斧而正之何如草此卽頌 文安弟用賓拜啓十二月
二日

大隱廬詩草卷二

禹山許崇灝公武

丙子秋感懷和曹纓薊九日登貴陽甲秀樓感懷韻

豁蒙樓久不登臨 放眼江山入苦吟，四野黃雲經雨少，秋來無雨農田多未耕作

一林紅葉報秋深 邊烽撩亂添愁思陝甘亦匪未平綏東倭寇又起匣劍悲鳴動壯心

新肉近來雙髀滿，幾回試馬過城陰。

感懷集句

欲師老圃問樊遲東坡夢裏華胥却自疑，翁立脚怕隨流俗轉復高

懷猶有故人知，山后無端酒興催吟筆，朱子却捲波瀾入小詩維塵世

難逢開口笑，放翁更於何處學忘機。樊

暮秋

又見楓林醉葉紅，惱人光景太匆匆，滿懷空貯匡時策，舉世方矜略地功，寶劍重磨光射斗，龍駒新試快追風，雄心不與年俱老，猶想麾軍出冀東。

謁岳武穆墳

憑弔南朝感慨多，撼山誰奈岳軍何，可憐冤獄成一字，無限風波阻渡河。

奸臣柄國主和戎，邊塞將軍那有功，百戰山河餘碧血，西湖水照夕陽紅。

野望

拂曉出茹屋，朝曦照眼寒，林疎鷹瞰兔，草萎犬追獾，簷際餘殘

雨 雲中露遠巒，田間塵事少，閒試釣魚竿。

友人還鄉索詩卽席賦贈

簾外新月明，階前殘雪積，雪月雙交輝，照我鬢鬢白 何堪思鄉時，更送歸鄉客，殷勤勸樽酒，爲按霓裳拍。

小園卽事

東籬叢竹正行鞭，新筍抽芽漸露尖，分付園丁休碰損，讓他出土直參天。

清晨散步看花來，殘雪初消半掩苔，一陣微風香撲鼻，園丁報道水仙開。

深院無人晝掩扉，小齋幽靜篆烟微，林間啄木聲如扣，疑是兒童放學歸。
啄木鳥名

雨過郊原翠潑天，柳拖新綠半含烟，呼童移植包心菜，自接竹竿通細泉。

尋春

尋春野步趁晴新，行過山隈又水濱，去盡機心多樂事，沙鷗野鹿也能馴。途中見沙鷗野鹿極馴我過之並不驚走可喜也

遊興闌時日欲晡，夕陽紅處覓歸途，村翁扣馬忙攔住，攜贈新醅酒一壺。

村居卽事

近來喜靜愛山居，樵子田夫住比廬，相處多時來往熟，饋遺時有錦鱗魚。

休沐日野步

休沐閒無事，扶筇過野蹊，霜清山骨秀，雨足水痕齊，處處催耕急，聲聲布穀啼，催耕布穀兩鳥名田間簑笠叟，叱犢不停犁。

野寺

曉日熹微霽景初，乘閒來訪古精廬，扣門久不聞人語，隔院聲聲響木魚。

禪院無人香篆清，老僧趺坐水邊亭，拈花點首微微笑，爲說金剛般若經。

訪小樓清涼山山居

山居原爲愛看山，一色危樓積翠間，到此已忘人世事，誰知門外卽塵寰。

早起

早起得清氣，能消磊塊胸，疏林懸曉月，古寺冷霜鐘，獸炭留溫久，貂裘著露濃，朦朧見鍾阜，一半白雲封。

遣興

參差樓閣翠微間，花木繽紛一水環，小隱未能聊大隱，長閒不得且偷閒，扶鋤移植樹邊樹，策杖來看山外山，隔院鐘聲頻入耳，又隨鷓鴣上晨班。考試院上下辦公廳以鐘爲號

夜雨

宿酒初醒午夜天，簾床竹枕不成眠，庭前幾陣芭蕉雨，無限秋聲到耳邊。

收復百靈廟

陰山烽火燭天明，邊寇無端又用兵，昨日羽書馳捷報，將軍一戰

克名城。

匹馬橫衝大漠風，將軍應是萬夫雄，揮戈直抵黃龍日，來慶東征第一功。

雜感丁丑秋

塞北烽烟接海東，戰雲萬里遠浮空，男兒報國爭殲敵，多少征袍血染紅。

國軍百萬驅強虜，斬將擎旗勢破山，愧我天生好身手，看人高唱凱歌還。

壯志消磨筆硯間，幾回撫髀嘆身閒，夜來又作征遼夢，手挈雄師出漢關。

廿年空負膽輪風，覽鏡驚添白髮新，辛苦半生無寸效，那堪憂國

更思親。

長空雲淨月當頭，月更明時人更愁，安得吳剛修月斧，鯨鯢斬盡過中秋。

漢祖神威統四方，北窮大漠是邊疆，當年衛霍今安在，萬里長城非國防。

醒時起舞醉時歌，放浪渾忘髮半皤，倘使此身長少壯，從頭收拾舊山河。

丁丑重陽寶章閣遠眺

戰雲橫斷一天秋，破碎山河入倚樓，拍遍欄干人不識，夕陽影裏看吳鉤。

古戍斜陽照戰旗，西風涼露濕征衣，十年辜負橫磨劍，又是秋高

馬正肥。

戰鼓聲喧報馬馳，登高四望動雄思，夜光杯滿葡萄酒，懸想黃龍痛飲時。

望雲亭小立

斜陽明媚竹陰移，小立溪頭有所思，愁裏且隨人散步，閒中也與客吟詩，遊魚戲浪時分藻，倦鳥投林懶擇枝，滿耳鼓聲聲正急，無心來就菊花時。其時院中菊花盛開勝於往年

宿風詠閣不寐

蒼茫山色有無間，漱石流泉自潑潺，窗外蕉鳴疑雨過，砌邊蟲語報秋還，思親夢繞珠江月，憂國心懸鐵嶺關，關在晉之東北已動晨鐘人不寐，憑欄低唱大刀環。

有感

中原鞞鼓暮天暄，又聽將軍棄雁門，半壁山河縈醉夢，滿城風雨斷詩魂，與圖形勢從頭看，國事興衰抵掌論，燕趙幽并胡騎滿，儒冠終覺負乾坤。

酒後

秋老江南落葉飛，夜來酒力祛寒微，遙憐戰士沙場上，十月風霜冷鐵衣。

聞雁

千里驚殘鄉夢回，滿天霜露雁聲哀，嗷嗷不斷如相訴，疑是黑龍江上來。

見雁

野色蒼茫暮色催，夕陽紅葉亂峯堆，
行征雁橫天過，爲帶邊城捷報來。

雨夜寄軍中友

天階風雨喧，輕寒侵戶牖，獨坐澹無味，呼童溫美酒，一醉百感生，念我軍中友，南北兩戰場，相機事攻守，殺敵挫凶鋒，醜虜曳兵走，萬里靖妖氛，神州復我有，赤忱惟報國，那計名不朽，少小此相期，初心其可負，慰君征戰勞，詩以爲君壽，祝君大勝利，功冠三軍首，盼君凱旋時，含笑握君手，詩成扣劍歌，劍氣衝牛斗。

遷渝感賦

國事何堪說，征衫血淚腥，山河驚破碎，身世感飄零，豈爲功名

重，還期社稷甯，憂心未能已，頻減鬢毛青。

丁丑暮秋由京過武漢入川

輕舟遠泛楚江天，獨倚欄干思悄然，征雁兩行投碧渚，歸帆一片渡蒼烟，心中情事誰堪道，眼底山河盡可憐，連日不聞傳捷報，國軍今守太湖邊。

萬里秋風萬里船，白蘆紅蓼望無邊，洞庭波泛半輪月，巫峽雲開一綫天，鄉夢已隨江水遠，客愁時共路程添，干戈滿地音書少，關塞遙聞露布傳。聽無線電播音

登萬縣西山

策杖上西山，山色何青葱，樓台倚岩壁，如在烟雨中，夾道種紅梅，沿澗蟠青松，細泉通石縫，好鳥鳴花叢，我來高處立，四面

生清風，俯首望征路，嵐靄鬱濛濛，不見長江影；微聞波漂漂，蕭然動客愁，鄉心追遠鴻。

舟中閒眺

孤帆萬里過三巴，兩岸秋風橘柚斜，一路江山皆入畫，眼前是處可爲家。

茺園小住

人境誰開十畝園，綠陰深處隱農村，我來正值秋風好，橘柚纔黃芥有孫。

欲卜居農村

山城何處可停車，一扣東郊野老家，遙指梅花林子裏，一問茆屋竹籬斜。

聞廣東無線電台播音

幾點疏星月一鉤，南樓人靜更添愁，悠悠兵馬他鄉客，夜半何堪聽粵謳。

荳園有兩池中夾一堤，月夜憑欄水中天，上月影成三亦奇景也
兩潭秋水碧波涵，一道長堤傍小庵，人靜夜闌明月好，水中天上影成三。

遊浮圖關爲戍兵所阻

當年一戰靖胡氛，老去威名久不聞，立馬山頭看壁壘，已無人識故將軍。

暇娛樓小酌

主人同上暇娛樓，畫角吹殘兩岸秋，無計驅愁頻勸酒，何妨且作

醉鄉侯。

虎頭岩訪梅花

浮圖關下虎頭岩，瀑布疑從天上來，到此如遊香雪海，梅花應是爲儂開。

訪羅園

梯田菽粟綠成堆，水繞孤村不染埃，更喜主人能愛客，殷勤特贈一枝梅。

泛舟訪南溫泉

翠崖兩岸繞如垣，中夾溪流淨不渾，誰種桃花千百樹，教人認作武陵源。

登歌樂山

夢國恩親兩鬢斑，卽今非復舊容顏，腰強腳健還堪喜，徒步能登歌樂山。山在重慶城西五十里傳爲李冰子二郎佐父導水駐節此山樂作如聞鈞天之音

丁丑歲暮

狂瀾欲挽未能爲，憂國思親老更悲，壯歲未酬平虜志，此身豈爲利名羈，消愁學作王維畫，乘暇來箋李白詩，又聽冬冬催臘鼓，鬢邊添得幾莖絲。

遊巴縣南山

半日偷閒何所之，眠江江畔一探奇，扁舟小泊龍門浩，浩在大江對面禹廟前宋

紹興中在南巨石上刻龍門二字籃輦先過虎乳溪，俗傳禹牛啓虎爲之乳鐵柱孤峯雲澹

澹，峯如柱塗山古剎草離離，回頭怕見呼歸石，石在江中相傳爲塗氏望禹處松籟樓

前望酒旗。松籟樓黃山別墅之酒家也

遊聖泉寺

山中藏古寺。佛閣倚懸崖。市遠香烟少。樓高景色佳。僧貧縫破衲。鹿馴臥荒階。到此塵心淨。臨風豁酒懷。

訪戴泗澄田舍

出門逢老叟。邀我至田家。雨後途泥滑。山高石徑斜。地腴豐菽麥。水近足魚蝦。談笑日過午。村中酒可賒。

感賦

一心懸兩地，我住在滬萬里客三巴。戰鼓山河震，家書道路賒。濟時心更切，憂國髮增華。何計驅愁去，寒梅正著花。

聞許潛夫在天台山出家因以空贈

古寺清幽處，聊堪避世譁。曉風翻貝葉，夜月冷袈裟。萬事了無

冒，一心淨不瑕，知君應笑我，辛苦走三巴。

友人函詢巴縣景况賦此答之

巴子山爲國，人來墮霧鄉，秋冬多霧日月無光終朝如豹隱，士人非已時以後不出門相傳霧有毒爲霧襲
卽無計使鷹揚，欲去未能可喜蔬魚美，菜頭菜心肥脆魚岩饌味最甘美還貪橘柚香，柑瓣碩大而味
甘其價極廉何妨暫留住，且莫盼歸航。

登高望江

登彼巴山頭，欲窮千里目，兩江挾重山，形成巴字曲，揚子江水黃，嘉陵江水綠，兩江匯流處，一綫分清濁，清兮可濯纓，濁兮可濯足，濯纓或濯足，從吾心所欲。

訪黃氏園林

喜逢休沐時，一訪居士屋，小犬吠柴門，老鶴棲喬木，夾道有梅

花，盈庭種修竹，溪澗架危橋，崖壁懸飛瀑，石洞通野蹊，松濤鳴幽谷，斯境何清奇，居者應不俗，款關揖主人，見面如相熟，談笑坐生風，餉我以酒肉，既醉而且飽，留住齋中宿，殷勤謝而歸，緩步西山麓，不畏路崎嶇，好月明如浴。

憤慨

居安誰解不忘危，誤事原爲一點私，既倒狂瀾應待挽，將傾大廈可能支，憂時深悔投戈早，失勢方知執政遲，排難還期移造化，孤忠惟有鬼神知。

登樓遠望

早起登樓怯曉寒，蒼茫野色倚欄干，孤城隱約穿烟出，驛路縈紆接嶺盤，滿目風塵歸思切，側身天地息機難，中原將帥勞戎馬

袖手旁觀心未安。

閒居集句

閉戶無塵事，

王

幽期偕素衿。

王

江山供嘯傲，

謝

風月助登臨，

鄭

長劍一杯酒，

李

高樓萬里心，

賈

名隨市人隱，

蘇

感動一沉吟。

杜

憶江南

翹首中原隔曉烟，江南春色正無邊，龍蟠虎踞今何似，徙倚危欄

一愴然。

鍾阜春風錦繡堆，櫻花爭逐杜鵑開，夢魂竟忘山河破，飛繞陵園
幾度回。

梨花如雪柳如烟，正是江南二月天，金液泉中春水活，可能流灌

萬家田。金液泉在白下長隱園山麓附近慶田資以灌溉

感懷

人在危城隱霧中，愁邊醉裏弄春風，習勞日運齋前壁，抒憤時彎壁上弓，收拾山河憑衆志，擔當宇宙賴孤忠，寸心竟欲回天意，髀肉雖生氣尙雄。

其二

雲天悵望動憂思，況是悠悠兵馬時，萬里山河金鼓震，三邊風雨羽書遲，壯心常擊中流楫，孤憤誰揮博浪椎，老去英雄悲赤手，漫將愁緒入新詩。

登浮圖關

江南河北陣雲屯，鼓角聲中虎豹尊，躍馬巴山登絕頂，浮圖關上望中原。

弓衣劍匣染塵氛，聊向書城策舊勳，熟習韜鈴無用處，一年閒煞故將軍。

試馬

捲雪拳毛白玉驄，輕蹄得得踏春風，據鞍撩動功名念，欲效汾陽却虜功。

思歸

十年羈旅笑吾癡，拙宦由來不合宜，無補時艱慚寸效，關懷國事鬱千悲，平心細論興亡史，冷眼旁觀勝負棋，垂老情懷甘澹泊，問誰肯借買山貲。

鄉關萬里寸心馳，怕聽春風叫子規，倦客只愁歸路遠，思親深悔棄官遲，功名草草槐安國，身世茫茫橘隱棋，塊壘滿胸消不得，

何妨寫作遣懷詩。

贈前方某將軍

大將驅倭馬首東，出師三戰立奇功，旌旗蔽日軍容壯，鼙鼓喧天士氣雄，勁敵殲除談笑裏，神州克復指麾中，狼狐掃穴妖氛靖，奏凱聲和萬里風。

由巴縣之成都將遊西康

宿雨爲清驛路塵，征輶曉發趁晴新，此行可盡看山興，甯靜崐崙入望頻。寧靜山崑崙山均在康藏

驛路盤山迤邐過，峯巒天際疊青螺，輕車瞬息經千里，渡過岷江又渡沱。

僕僕風塵又向西，巴山巫峽遠雲迷，縈紆轉過龍泉驛，錦水波平

夕照低。龍泉驛在成都西六十里山上，望見平原卽所謂成都壩子是也。
已過巴山千里程，雲開微見錦官城，行行更覺中原遠，關戍不聞
鼓角聲。

錦城客舍

錦江江畔日初晴，客舍幽閒香篆清，蜂抱殘花隨雨墜，魚吹輕絮
逐波行，欲尋靜境求禪侶，爲破愁城鬥酒兵，醉眼看天渾不語，
中原戎馬正縱橫。

客舍看榴花

綠陰深處小園東，鳥語花香細細風，客裏復嗟時令換，薔薇開罷
石榴紅。

濯錦江邊書所見

濯錦江頭春已殘，綠波新漲白沙灘。
漁翁半醉朦朧眼，補罷蓑衣理釣竿。

望江樓聽瞽者彈箏而歌

浩蕩春風江上樓，倚欄閒聽蜀山謳。
銀箏一曲將軍令，不爲消愁爲引愁。
將軍令四川曲名韓世忠故事

試蒙山芽茶

槐火銅瓶煮井花，細翻蟹眼篆烟斜。
一甌輕泛鸚哥綠，新淪蒙山雪蕊茶。
蒙山雪蕊茶爲羅州茶之精品

訪康莊遇雨

百花潭畔訪新知，水繞前亭竹繞籬。
一陣蕭蕭留客雨，主人笑道是催詩。

廬莊在百花潭畔乃四川綏靖主任鄧普康之別墅也

錦城曉發

初日含山青靄低，喜晴幽鳥隔林啼，征轡曉發川西壩，一路松栴綠到西。

成都以西沃野千里土人名之曰川西壩子松栴夾道青葱可愛

過雙流新津

鐵溪河畔有樓台，聞道仙人跨鶴來，憑眺新津平野闊，雲開一線見邛崃。

鐵溪河爲雙流縣一小河河畔有呂純陽觀樓台亭閣極其壯麗登樓眺望可見邛崃山

宿雅安縣

小住平羌江上樓，蔡山分綠入窗幽，夜來心事如絲亂，不夢周公

夢武侯。

雅安鐵臨平羌江宿處正對蔡山相傳爲諸葛武侯夢周公處後人卽呼蔡山爲周公山平羌江爲周公水

過大相嶺見佛光

籃輿緩緩出關西，鳥道崎嶇複嶂迷，怪石奇峯看未了，佛光五彩現南蹊。

大相嶺又名馬鞍山海拔高四千公尺鳥道盡山極其險峻南蹊卽南坡橋行至其處忽見佛光樹木山石皆現五彩色如世間所繪佛像之背光由山下重疊而上直至山頂奇麗無比爲生平所未見之奇觀也

大相嶺途中口占

千峯萬壑碧迴環，纔過山頭又上山，十四盤九折坂，方知蜀道

果然難。

上嶺經九折坂下嶺經二十四盤崎嶇難行

訪武侯祠遺址

峻嶺摩挲是相公，常年人紀武侯功，祠堂遺址今何在，數斷殘碑草棘中。

大相嶺主人又誤爲相公嶺相傳孔明駐軍於此後人於其地建廟祀之今已廢矣

宿清溪縣

峯巒半隱暮雲齊，行過邛嶺日漸西，征馬蹢躅人亦倦，今宵宿處是清溪。

大相嶺乃邛崃山脈誌書指爲邛崃清溪縣卽漢源縣

飛越嶺觀瀑布

萬丈懸崖飛瀑傾，穿雲注壑出林菁，山溪水作春雷吼，疑是千軍鏖戰聲。

瀑水由峭壁中下注寬可數丈高幾千尺其聲如雷匡廬瀑布無此偉觀

飛越嶺道路失修行人苦之

崎嶇山路接山垠，沿澗循崖轉折頻，石路磷磷泥路滑，可憐負重遠征人。

四川物貨運入西康者險用騾馬馱載之外並用人力背負每人背百餘斤日行四五十里或二四十里不等道路失修負重攀登者極感痛苦

過飛越嶺書感

驛路磷磷亂石多，艱難其奈此山何，嗟余未解乘風術，無計凌雲飛越過。

過飛越嶺時正值大雨路險而滑苟一失足卽有墜崖之虞余每至路之極險處卽下轎步行所穿草履着泥卽滑時慮傾跌命轎夫二人左右扶掖而行因思苟有飛機可乘何至如此其苦

曉發泥頭見雪山

鳥道崎嶇翠磴危，荒村曉發馬行遲，山頭積雪連雲白，疑是深冬近臘時。

川西雪山甚多泥頭所見者爲岷山

見仙人掌

綠趁青崖紅趁霞，仙桃初放水之涯，長征不覺風霜苦，一路看山又看花。

泥頭至滄定途中沿大渡河邊仙人掌如林開花極其燦爛土人呼之爲仙桃花

溪邊山畔爛如霞，開遍仙人掌上花，此物嶺南隨地有，教人觸景更思家。

仙人掌乃溫帶植物廣東海南生產極多而地勢高寒之西康亦有之且高與人齊極其繁茂是或氣溫順河流而北沿河氣候因以溫和之故歟

瀘定曉發

曉發先過鐵索橋，征人無語馬蕭蕭，驚心百尺懸崖下，十萬軍聲響怒潮。

瀘定橋以鐵索橫貫河流繫於兩岸索上鋪以木板其長約四十丈人馬來往其上搖擺不定橋下水流湍急波浪之聲有如雷吼令人驚心駭目

渡瀘水

鼓鼙聲裏動邊愁，瀘水波寒五月秋，七縱七擒威惠著，於今誰是

武鄉侯。

舊定河爲古瀘水孔昭五月渡瀘深入不毛卽其處也有橋名七綫橋相傳爲七擒孟獲處

路上見奇花異草

客程天氣愛晴明，五月郊原野趣生。
水曲山坳開似錦，奇花異草不知名。

一路山花燦爛美麗天成多未經見

過瓦斯溝

一徑斜通積翠重，深山雨過白雲封。
夕陽返照青溪水，萬頃金波洗玉峯。

瓦斯溝在兩懸崖下水流澎湃夕陽照澗金光四射與碧峯相映亦奇觀也

到大烹壩

鞍馬勞勞日漸斜，中途小憩梵王家，依山穩架牛皮帳，款客新烹酥酪茶。

大京蜀距康定三十餘里旅康藏僧來此迎候以酥油茶款待

到康定

與馬雖勞心自閒，采風問俗補叢殘，眼前漸覺衣冠異，明日征途出漢關。

康定爲入內地之孔道康藏人民雜處衣冠互異自僦以西俗稱關外凡旅行此地以西者謂之出關

古戍邊城此地開，萬山環繞水縈洄，旄牛宛馬如雲集，遠近番民互市來。

商旅貨物由內地運輸至康藏者或由康藏運輸至內地者皆集中於此各處往來貨物皆用

牛馬歌載

訪打箭爐遺址

郭達將軍打箭爐，一峯高聳入雲孤，
平明策蹇尋遺跡，蔓草荒烟飛鷓鴣。

註定原名打箭爐，舊傳諸葛孔明令郭達打箭於此，土人於其舊址建廟祀之，至今香火極盛。郭達恩德於民於此可見，廟後一峯高峻，直插雲霄，曰郭達山。

晚寒

邊城風雨夜來多，擁絮頻將凍手呵，
回憶江南五六月，迎涼水閣試輕羅。

庚定夏日午後必有風雨，寒氣侵人，衣絮不暖，回憶江南此時已着羅衣，揮紈扇迎涼於水閣矣。

圍爐

夏日山城氣候奇，一朝冷煖苦參差，晚來煮酒圍爐坐，忘却人間盛暑時。

氣候一日數變早晚皆寒而正午則熱是晚赴建省委員會之宴寒甚席間四周炎有炭盆如江南深冬景况竟忘却爲盛暑時矣

席間聞皖垣已失守粵垣被炸

悵望中原夢不安，樽前談笑強爲歡，可憐憂國思親淚，幾度瞞人暗自彈。

病中深夜聞猿聲

征途苦著病魔迷，旅舍荒寒客意悽，夜靜燈殘人不寐，悄然倚枕聽猿啼。

大隱廬詩草卷二

三六

旅次京師疾數日始愈夜間聞猿聲悽切不能成寐

飛絮

六月邊城暑氣微，曉寒料峭襲征衣，漫天柳絮隨風舞，疑是春初瑞雪飛。

連日曉寒料峭柳絮紛飛幾疑降雪

宴陳氏小隱園

小隱園深倚翠微，白雲繞樹入簾飛，一樽坐對青山晚，嵐靄蒼茫帶醉歸。

小隱園陳東府氏之住宅也倚山闢園栽植花木中建廊亭頗有風緻省府同人時宴客於此

清夜聞笳

江南氛縈海天遮，滿地干戈鄉信賒，作客更逢離亂日，那堪清夜

聽悲笳。

酒後晚眺

雨過孤城怯晚寒，愁懷每向酒邊寬，雲山千疊中原遠，扶醉看天獨倚欄。

雨夜聞濤

夜闌客舍更淒清，悄對寒燈一穗明，輾轉簾床眠不穩，却聽山澗怒濤聲。

客舍窗臨溪澗水聲澎湃擾人清夢

接粵友書

滿地干戈音信疏，中原悵望正愁余，何期邊塞荒山驛，得接家鄉老友書。

鄧文炳聞余遊西康致書問西康狀況

雨後登金剛岩

雨後關山草木新，泉聲清冷淨邊塵，登臨不動殊方感，久作東西南北人。

金剛岩在城南二里許寺頗闕麗近山皆童而此喬木獨多蔚然深秀

聞山中樵歌

採樵聲裏雜樵歌，入耳還驚古調多，聽到曲終人不見，微聞笑語隔烟蘿。

番婦清晨采樵山中引吭高歌調與粵之山歌水調及浙之採茶歌相似其曲來諒甚古矣

看康人歌舞

繡帕圍腰蜀錦堆，新衣還效古裝裁，娟娟學作霓裳舞，傳自唐家

菊部來。

髮綰朱絲髻插花，小蠻靴子錦袍遮，歌聲起處盤旋舞，長袖凌風繡帕斜。

唐人歌舞曰跳絃子亦曰跳歌莊男女皆穿舞衣錦裙長袖式樣甚古舞時男女分立各成一隊女唱男和絕非現代式之跳舞可比聞傳自文成公主時由來古矣

聽西藏歌

革履聲如羯鼓和，紅腔清韻送羅羅，誰將古調翻新譜，信口傳成踏踏歌。

藏人唱歌時鑼板於地着革履立於板上以革履擊板作聲與絃子及歌聲相和頗有節奏悅耳可聽

尋僧

攜伴尋僧過石磯，松杉林密掩禪扉，雲深更覺山幽靜，似有經聲出翠微。

間有大德喇嘛在金剛岩石洞中靜修與育仁慶宗同往訪之入山深處而未之遇

乍晴見月

客路難逢半日晴，蕭然風雨滯邊城，今宵乍見關山月，可與中原一樣明。

題離垢園豹

能武能文稟賦奇，金錢艾葉本毛皮，年來不隱南山霧，任爾行人用管窺。

西康之豹有金錢艾葉兩種金錢豹毛色黃黑相間斑如金錢艾葉豹又名雪豹毛色白而有

黑紋

題兵營老馬

追風逐電已垂名，老去羞爲棧豆爭，伏櫪自甘君莫笑，山川關塞久縱橫。

見路旁古木有感

老樹縱橫臥路隈，半埋荒草半生苔，可憐湮沒寒山外，却是明堂作棟材。

過跑馬山見大可敬園之老樹倒臥山間皆良材也聞係造飛機場時所伐至今無人過問聽其朽壞可爲長歎

苦雨

古澗寒流起綠環，玉階新蘚已爛斑，客途苦厭連朝雨，怕看雲封郭達山。

修竹新庵傳古韻

遊無垢寺

野寺經樓倚碧岑，危岩幽徑白雲封，
我來欲乞安心法，古佛無言有笑容。

雨漲山溪

風雨連天野店秋，曉窗寒重欲披裘，
山溪暴漲驚湍急，攪得清流變濁流。

遊樂頂峯

四顧風光與海寬，泉聲梵韻兩悠揚，
山頭怪石如人立，疑是金剛守道場。

樂頂及南傳為大宋金剛道場明代古剎連雲極一時之盛五百羅漢會於此安居結夏云

由康定出發途中口占

曉日初升霽色開，馬蹄踏破亂峯堆，幽崖百轉疑無路，人自寒雲隙裏來。

見康人服裝感懷

我祖當年國草萊，越峴嶠後向東來，西方原有遺黎在，漢制衣冠照舊裁。

西康土人服裝安化大補翁領京腔調細古制 季陶先生以見康人服裝感懷口占見示因以答之

哲多塘溫泉

哲多山下哲多池，沸湯泉香透肌，安得化爲功德水，盡教世界洗瘡痍。

哲多山有溫泉相傳浴之可愈百病

過哲多山

曉風疏雨灑時關，路在蒼崖丹壁間，匹馬穿雲衣欲濕，揚鞭直上哲多山。

哲多山在唐定城西四十里海拔高約四千餘公尺其頂週年雲霧籠罩如細雨霏霏沾衣欲濕

哲多山頂遠望

直上高峯六合開，萬山環立盡兒孩，我來已在高峯上，自顧殊非造極材。

哲多山極其高峻登山遙望四山環繞皆在其下惟主峯貢嘎雪山較高耳

行路難

冒雨衝彈過草萊，千盤古道傍山開，縱橫亂石全無路，如入洪荒世界來。

水橋子幕中

燎火光分玉帳明，一樽酒對寶刀橫，蠻烟瘴雨荒山夜，坐聽蕭蕭征馬聲。

見雪山

萬笏千巒遠近峯，峯峯堆作玉芙蓉，本來面目原高潔，今古何須冰雪封。

至泰甯道中

曉行恰是半晴時，山雨忽來人不知，馬上衣襟任沾濕，喜看菽粟綠離離。

秦寧在康定至道孚之間平原百里皆爲膏腴之地最近省府設有農業試驗場正在墾植

小憩有感

歇馬青郊豁醉眸，含愁無語看吳鉤，山河如此甘荒廢，太息籌邊空有樓。

沃野千里五花五色一望無際到此者如登錦甌之上美麗可愛然皆荒廢四無人烟惜哉

聞牧歌

草色凝烟滿目斑，牛羊茁壯牧童閒，林菁蒼翠迷人跡，隱約歌聲在半山。

宿泰甯寺

一天星月四山明，古寺經聲入耳清，聽到夜闌凡慮淨，心如止水一時平。

早發

今日征途山雨晴，四圍青靄照人清，
松風泉韻奇花草，如在蓬萊島上行。

官寨子曉起

淒風寒雨客途長，列幕荒原千仞岡，
清角一聲天欲曉，露珠粘草已成霜。

官寨子在高山上乃趙簡子治邊時所建之驛站已毀於兵是夜至此列幕而宿漫天風雨寒氣逼人重裘不暖曉起滿地皆霜帳幕且結冰矣

帳幕中與育仁談戰事

錦帳旌旄霄漢齊，寒雲山月入簾低，
談兵不覺天將曉，征馬蕭蕭又向西。

過松林見古木有感

古木蒼森入望來，參天骨幹沒蒿萊，
世間盡是崎嶇路，甯老深山作廢材。

松林在六十里行竟日始過林中皆參天古木闊葉尖葉凡數十百種而交通不便皆成廢材惜哉

谷卡幕中感懷

獵獵松風古戍寒，野雲山月舉杯看，
醉中欲草籌邊策，萬緒千端下筆難。

谷卡曉發

古道寒岡積翠間，曉風料峭老朱顏，
馬蹄亂踏行人影，回首朝陽正在山。

到道孚

和風暖日送征驂，嵐影波光客意酣，兩岸青山一灣水，依稀景色似江南。

道孚在雅龍江畔山清水秀頗似江南風景

田舍翁媼小牧童，衣冠依舊漢家風，牛羊茁壯青稞茂，四野歌聲樂歲豐。

孚民俗仍存古風農夫牧子於耕作之時引吭而歌聽之頗覺其有豐年之樂

與靈覺寺僧閒話

嶙貝葉宮，浮圖孤影入簾櫳，閒來佛閣尋僧話，六欲全消

德剛曉落多行格西學位者有四十餘人其中以燕瑪澤巴學問最佳閒時與

俗名題
入集刊。
大
六

詩集原稿有補到之已錄爲良多，因別贈余，像舍利塔及藥品多種。

聞歌

偶向山城酒過，新詩誰譜作新歌，
聲聲撩動歸鄉思，疑是當年春夢婆。

人民苦況可憫

野耕山牧夜歸獮，獮夜獵也辛苦難求事畜饒，
安得好官勤撫字，年年莫使困征徭。

野望有感

水秀山清草木芳，輕塵遠逐馬蹄香，
頻年久作長征客，卻愛他鄉似故鄉。

聞九江失守感賦

五老峯高接日星，金輪雙劍一般青，金輪雙劍兩山名匡廬自古清涼地，莫
令山頭戰血腥。

舉目長天感慨多，中原消息竟如何，近來每痛風雲惡，把酒頻看
揮日戈。

續霍道中

行傍江源路不迷，馬蹄得得順青溪，風光雖好無心賞，愁聽中原
莽鼓鼙。

辟路沿江江源而行山色波光蒼翠悅目而心懸萬里不覺遊山玩水之樂也

雲色初開露未晞，半山雲逐鳥同飛，停驂小憩天方午，幾點炊烟
出翠微。

跋拉沱晚望

古驛橋通水一灣，夕陽明滅亂峯間，倦遊小立山村外，綠樹陰中獵騎還。

高岡上望鱣霍

驛路塵沙雨後消，籃輿緣棧復通橋，荒城在望頻搔首，嶺複山重嘆路遙。

高岡距鱣霍城只三十里望之如在面前而山路崎嶇逶迤半日方到令人焦急

宿壽甯寺

讀罷金剛般若經，窗前還剩一燈青，倦來怕續黃梁夢，梵唄吹鐃倚枕聽。

由壽甯寺至覺日寺道中

雨過嵐光撲面涼，野花澗草百般香，途長不覺看山趣，似又新添

兩鬢霜。

萬重積翠水橫分，遙見田家曝背耘，匹馬黃塵千里客，停鞭時望嶺南雲。

覺日寺卽景

羣山環繞水淽淽，美景天然入化工，佛閣凌雲亭面海，玉芙蓉作玉屏風。

覺日寺在牟尼望喜山麓，水河畔，倚山面湖，四圍雪山環繞，別有風緻。

覺日寺月夜

征途全在亂山間，冷雨淒風行路難，今夜客愁差可慰，湖光嵐影月中看。

途中苦雨人馬俱困，今夜天忽放晴，月明雲淨，與湖光嵐影相映，風景宜人，頗快心意。

過樂歌梁子

雲向勞人足下橫，日從征馬耳邊生。
怪來舉目衆山小，却在高峯頂上行。

樂歌梁子俗名羅鍋梁子，乃巴顏喀喇山之支脈，海拔高四千餘公尺，行於其上，遙望衆山如同設邱阜耳。

見雪山感懷

卅年蹤跡遍三邊，匹馬長征路萬千。
怪底勞人頭易白，雪山如海欲窮天。

余頻年奔走足跡遍於滿蒙甘青康等處，所見雪山多矣，長征數萬里，勞人草草無怪其髮之白如雪也。

友人指青康爲邊地感賦

青康誰當作邊營，只隔中原幾日程，試看西天雲盡處，雪山萬里是長城。

友人談青康爲邊地余以爲不然如喜馬拉雅山及岡底斯山方可指爲邊地

遙望甘孜寺

雕梁畫棟間朱黃，翠蓋金輪七寶裝，五步一樓十步閣，梵宮彷彿古阿房。

余幼年讀阿房宮賦至五步一樓十步一閣句以爲世間必無此種建築乃文人故文其說耳今見甘孜寺始悟吾人不我欺也

登樓遠眺

鄉心萬里強登樓，欲望中原更白頭，默默此情誰會得，雪山迎面笑人愁。

與友人同訪高僧不遇

佛地何妨作漫遊，拈花坐石小勾留，
聯裾蕭寺尋真覺，各有因緣豈易求。

雨後聞山歌

遠近山如湧綠波，數家村舍隱烟蘿，
時豐雨足歡聲動，處處遙聞擊壤歌。

甘致久旱，雨菽粟萎而復蘇，人民喜樂，四面歌聲不絕於耳。

竺酒寺

繚繞青山一徑深，伽藍精舍隱寒林，
此間真可尋禪味，不受塵鷲半點侵。

乘牛皮筏渡雅龍江

一塔臨波倒影雙，中流石與浪相撞，平生趣事無逾此，穩坐皮囊渡大江。

牛皮筏其形如圓盤以樹枝爲骨人蹲其中順流而渡中流旋轉不定如車輪焉

別甘孜東返

土厚民醇草木榮，山城小住客心清，於今一馬忙歸去，回首山川覺有情。

歸途宿覺日寺早起

一磴殘月掛山頭，綠壓荒湖萬頃秋，野幕黎明人獨立，漫天風露冷貂裘。

八月二十四日乘馬經鮮水河畔路狹人稠馬驚突墜鞍落水誌異
波臣傍晚笑成狂，水流湍急波濤澎湃墜馬陶然入醉鄉，墜馬落水昏然如醉破浪起來驚

怪事，石如棉絮水如湯。

落水時觸石如棉絮而水如湯泉毫無損傷亦不覺寒冷
出水後步行四里至尖站始不換衣服

歸途

萬里遙天秋意新，風光濃淡一時勻，客途何以消愁思，四面青山似故人。

秋風已度漢時關，萬里長途去復還，辜負腰間三尺劍，此行可惜只看山。

行旅西陲已半年，風光佳處更留連，歸裝載得珍奇品，雪嶺蓮花玉塞塵。
雪蓮花生於雪山俗傳爲婦科聖藥

短童瘦馬伴長征，驛路曉崎攬轡行，一日長途七十里，有人夜夜計歸程。

大麥深黃色漸齊，秋波新漲沒河堤，貪看牛馬爭先渡，小立江頭

日已西。誅倭橋下流，牛馬渡水。

濛濛細雨暗前蹊，山鳥藏烟不住啼，最是令人悽絕處，數聲逐隱
復催歸。逐隱催歸二鳥名。

衝雨衝風不畏寒，途泥沒脛水迴湍，任渠驚馬蹢躅步，愛看重雲
露遠巒。

筍輿肩我下危坡，一笑褰衣慢渡河，獨惜滄浪供濯足，出山泉水
濁流多。

雨過郊原草不香，山嵐滴翠欲沾裳，行行又到松林口，老幹參天
已帶霜。

萬松蒼翠鬱參差，林密晴陰總不知，愛聽濤聲清入耳，停鞭倚馬
立多時。

曉風拂面輕於剪，寒雨沾衣碎作斑，緩步低頭防路滑，眼前辜負好溪山。

荒溪水激亂跳珠，古戍雲橫欲塞途，一幅天然新畫稿，關山風雨旅行圖。

西塞山頭月一鉤，甌廬霜重冷貂裘，蠻歌羌笛聲淒切，惹得征人萬斛愁。

飛烟縹緲帶風輕，曉日迎眸半暗明，山路險夷都不見，惟聞人嘯馬嘶聲。
過蒼多山遇霧咫尺不辨道路惟聞人馬之聲耳

亂山深處一停驂，曉霧空濛滴翠嵐，採得奇花千百種，要添春色滿江南。
山中奇花異草極多採得種子數百種播之而歸

綠水青山入我詩，長途接轡故行遲，斷虹疏雨迷荒渡，又是牛羊

欲下時。

籃輿輕御曉風行，一路山花帶笑迎，翠靄青嵐橫一線，亂山缺處見孤城。遙見廢定城

又踏羊腸鳥道塵，秋風山骨更嶙峋，途中正值仙桃熟，失喜天教口福新。仙人掌結實甘香可食土人呼曰仙桃

乘驂不覺路漫漫，一日行經山萬盤，遠近峯巒秋洗淨，眼前都作畫圖看。

漢塞歸來鬢染霜，陂陀蹇馬繞羊腸，梨黃橘綠山花好，惹得詩心似虎狂。至泥頭途中

新茶一盞酒盈卮，鹿脯豚羹味最宜，飯罷主人求醉墨，揮毫爲寫遣愁詩。黃泥鋪卽事

山村默對短燈檠，酒可消愁飲一觥，窗外草蟲聲聒耳，爲誰人作不平鳴。

村酒孤斟半醉時，土牆閒覓舊題詩，何人小楷書批語，謂似唐朝杜牧之。磨柳場村舍

澹雲疏雨過山城，策馬臨邛道上行，古戍斜陽深樹裏，候蟲不斷作秋聲。至雅安途中

萬綠叢中緩緩行，蟲聲鳥語喜新晴，風光漸與關西異，又近中原千里程。

看盡西陲千里山，歸來添得鬢毛斑，客心歷歷中原事，只盼將軍奏凱還。

駿馬彫弓老壯夫，秦關漢塞任馳驅，卽今歷盡崎嶇路，不信人間

有畏途。遶蒙青康已走遍矣

亂峯堆裏賦刀環，日在千重積翠間，縱有閒情如杜牧，從今不愛再看山。

千里征途盡是山，連綿風雨苦躋攀，今朝重上光明路，白日青天照我還。歸日喜晴

苦熱戊寅秋由康返渝時聞日寇擾粵

六月客西陲，直入山深處，冰川橫銀波，雪嶺羅玉嶼，早起衣重裘，渾忘二伏暑，歸來已仲秋，巴陵久不雨，青天無片雲，驕陽正當午，宛如火傘張，炎蒸迫人苦，汗流時浹背，手不停揮羽，既無瓜可剖，焉有冰可咀，匡廬漫戰雲，羅浮喧戰鼓，千古清涼地，勿令化焦土，悵望更愁余，欸歎空髀拊，萬里遊子心，飛向

珠江去。

中秋月下口占

輪明月正當頭，不解征人萬里愁，今夜嫦娥翻笑我，十年客裏過中秋。

重陽時聞日寇已陷廣州

江天雲樹隱悲笳，寂寞西風鄉信賒，不忍登高向東望，故園今日已無家。

野色蒼茫烟雨凝，朝慵聊借曲欄憑，淒然昨夜還鄉夢，猶繞鍾山國父陵。

秋夜步曹纓蘅重九韻

清宵何以慰憂思，倚枕微吟感遇詩，荒渚月明征雁度，寒林霜冷

候蟲知，一天刁斗催人老，萬里風雲令我疑，鄉夢未成更未盡，
起斟淪酒飲盈卮。

秋懷

不堪回首舊山河，無補時艱感慨多，屈指京華今十載，罷官歸計
尙蹉跎。

黃橙綠橘雪花蘆，又見江城物態殊，滿地風塵歸未得，倩人爲寫
望雲圖。

偶感

官冷心猶赤，徒殷爲國憂，風雲何莽莽，日月付悠悠，松菊荒三
徑，山河共一樓，登高怯東望，兵氣滿神州。

莫道將軍老，曾經滅帝秦，且欣身壯健，虛負膽輪囷，誰識丹心

苦，空驚白髮新，何時顯醜虜，得作太平民。

對酒

對酒心尤壯，悲歌獨倚樓，難填精衛恨，空抱杞人憂，食肉謀甯濟，回天願儻酬，停杯無一語，半醉看吳鉤。

兵馬倉皇日，偷安不自安，時危念親老，路阻得書難，舊部能殲敵，今吾尙耐官，鄉心萬餘里，聊借酒杯寬。

戊寅九月集長安寺分均作詩余未到太虛代拈來字勉成一絕並

簡敘甫

騷客吟壇寺裏開，將軍指叙甫乘興亦偕來，願君一管淋漓筆，叙甫畫

個詩偕正渡杯。太虛龍詩

感事二十七年十一月

河北江南路，軍前勢捷書，怕聽桑磧雁，難食武昌魚，武漢已陷憂國傷焦土，思親悔絕裾，遙憐諸弟妹，避難近何如。廣州不守弟妹流離

久無音信

大地馳胡馬，腥羶萬里傳，三江真可痛，一炬更堪憐，義憤思填海，雄心欲補天，劍鳴終不已，藏匣又經年。

山行卽景

夕照銜山落酒旂，西風獵獵襲征衣，成羣紅蝶聯翩舞，却是經霜柏葉飛。

聞秋聲示友

風急長天萬籟鳴，龍吟虎嘯客心驚，匣中寶劍須勤拭，江海狂濤未易平。

卽景

鐵柱孤峯青入牕，嘉陵秋水綠侵櫓，寒林葉落山樓迴，睡起臨窗讀武經。

與友人酒肆小酌

買醉誰家酒最醇，留春幄酒家名有甕頭春，吾儕到此皆爲客，何必拘拘問主人。

知心久別喜相逢，把酒清談興味融，醉後已忘頭半白，引吭高唱滿江紅。

又見寒梅着花感賦

秀野軒余所居之軒名前霽色開，寒梅又報小春回，余客廬不覺已兩見梅花矣連宵屢作羅浮夢，羅浮事正急不見江南驛使來。白下晨隱園梅花百株亦將花矣

詠梅與水仙

寒梅開後水仙香，本是花中兄弟行，一樣生成冰雪質，詩人騷客費平章。

國曆除夕

幾樹梅花花正鮮，一瓶斜插小窗前，折來豈但供清賞，點綴明朝又過年。

紅爐獸炭有餘溫，小飲屠蘇欲半醺，一夜不眠非守歲，燈前戲續送窮文。

遣懷

霜肅寒林迴，雲歸遠樹微，畫樓收列岫，錦幔捲斜暉，官冷知交少，愁多笑語稀，梅花情最重，香染舊征衣。

虎頭岩探梅

不負探梅約，扶筇過野堂，何妨排日飲，只恐和詩忙，入望一林雪，遲徊兩袖香，虎頭岩上立，指點暮山蒼。

題悲鴻畫野馬

雄姿那得是凡流，蹀躞荒原秋復秋，世上卽今無伯樂，何人有眼識驂騑。

窗間竹影

新抽疏竹兩三竿，影上窗紗帶月看，淡墨書成千个字，爲誰日日報平安。

碎影搖窗作畫看，扶疎濃淡墨初乾，靜聽微有聲清耳，妙筆傳真亦大難。

歲晚

歲晚傷遲暮，生憎兩鬢華，無心來野寺，隨意過田家，小飲黃柑酒，閒烹紫筍茶，忘憂人自樂，何苦獨咨嗟。

聞十九弟在粵練民兵作游擊隊與倭寇戰感賦卽以寄示

聞作民兵長，教儂感慨多，早知身許國，十九弟爲粵軍第四師師長身經百戰屢立戰功應悔

少投戈，民國十四年解兵初忠孝遵家訓，先祖手輯古壘先賢名言一厚集定名衍祥堂述聞昭彰遺囑令子孫永遠遵守作爲家訓

強梁震島倭，十九弟素凱歌今已草，來函囑作抗戰軍歌只盼復山河。

寒夜

夜半聞齋靜，天寒露欲凝，疏林懸皓月，斷岸隱孤燈，聞雁思昆弟，看經學老僧，擁爐人不煖，心似玉壺冰。

清晨散步

侵晨步疏林，疏林留宿雨，餘滴落無聲，沾衣痕如縷。
時鳥喜初晴，枝頭理濕羽，柔婉嚶新聲，隔花相對語。
四野濕雲低，一犁好雨足，園叟刷菜歸，滿肩擔新綠。
微風迎面來，幽香沁心胃，路遇賣花人，一籃簇嘉卉。
市遠絕塵囂，眼前皆淨土，逢僧話却灰，寺鐘聲轉午。

遣悶

四十年戎馬，勞勞豈爲官，人情看透澈，世事歷艱難，悶以攤書解，心從學佛安，撫膺唯自問，何計慰親歡。

山行過覺林寺步林梅生韻

扶筇緩步此徘徊，望裏青山不染埃，古澗雲深猿嘯冷，長天風緊雁聲哀，冰泉滾滾從天降，落葉蕭蕭撲面來，小憩禪房閒品茗，

老僧爲話劫餘灰。

立春

綠竹新敷粉，紅梅已落花，客心驚改歲，旅夢只還家，對月看長劍，因風聽暮笳，蹉跎春又至，何日復京華。

愁思

悵望天南繫我思，寸心豈獨慮安危，風波萬里音書阻，憂患千端鬢髮知，城郭幾餘秦郡縣，江河誰振漢旌旗，蝦夷又擾瓊崖島，苦憶鱣鱣水上師。

十年閒坐屋廬深，怕聽人間話陸沉，大事已成奇虎勢，老夫猶有斬蛟心，消愁聊借杯中物，入耳頻驚爨下音，髀肉只隨煩惱長，臨風扣劍作狂吟。

冬夜再讀康遊吟漫題卷尾錄請公武先生作家教正

沈士遠

乞得行滕百首詩蠻烟瘴雨鑄新辭
楚騷恢麗風人婉不數江南唱竹枝

從來出塞吟多苦此日遊康興獨豪
一曲跳絃憐舞袖滿山擎掌綻仙桃

久歷風塵自愛才臥松老馬入詩來
成名不盡英雄漢郭達祠前酌一杯

衣冠慕觀漢家風吾道由來願大同
寄語籌邊勤護惜養生敬敬百無功

鮮渠遊戲小神通滌却塵凡壽乃公
自是君身有仙骨不教詩料與

人同

旁人漫擬杜司勳老子心如出岫雲閒却當年射生手拈毫日課紀
遊文劉彥和謂有韻者爲文無韻者爲筆

雨窗再讀康遊吟草欣賞不已續題四絕呈公武先生教正

前人

無端逐隊出重關老去功名付等閒
鼙鼓聲聲驚客夢天教立馬哲
多山

柳花糝糝疑春雪醺酒溫溫夏夜分
千古詩人吟不到一齊輸與許
將軍

佛心劍氣兩難消訪道談兵慰寂寥
錦帳馬嘶霜曉月琳宮鐘動海
天潮

莫道蕭條路幾千此行眞箇若登仙
山平水靜花枝笑來與詩人結勝緣

公武先生歸自康定出示絕遊絕句百餘首漫賦二律卽奉教

正

徐天嘯

匹馬秋風入漢關此行載得錦囊還
祇緣信仰精誠至不覺崎嶇道路艱
君信佛甚篤班禪大師圓寂時命考試院院長戴公代表入康致祭君隨行閱時五月歸途經德渠河時馬驚墮鞍溺水不傷君詩有石如棉絮水如湯之句卽紀此事亦可異也
脫手新詩飛白雪撐胸奇氣傲青山
西方自古莊嚴地香火無因未許攀

十載京華樂唱酬如君才調洵無儔
何當滄海橫流日忽作蠻荒汗漫遊
塞外風光收眼底江南烽火亂心頭
君詩如可憐憂國思親淚背地聽中原鼓吹客心歷歷中原事只盼將軍奏凱還辜負腰間三尺劍此行可惜只看山等句皆係感時之作不勝枚舉
驚人佳句爭傳誦不

夢周公夢武侯

夜來夢事如夢亂不夢周公夢武侯此君夜言平羌江上客舍留題之句實違正對山傳說稱武侯夢見周公處

奉題川康紀行詩冊敬求公武先生大詩家吟定

陳曼若

傲外隨天使殊觀副此豪豕蛇方逐逐車馬亦勞勞蹙國恩蕃服封
銘惜寶刀西征盛文藻併作雪山高

許公武先生隨 戴院長奉派西康致祭護國宣化廣慈園覽

大師班禪額爾德尼途中賦康遊吟一百二十二首讀後奉

題六律寄呈吟政

王用賓

朱軒遙向坭頭驛一路番民迎檠戟山轉邛崃無畏途祠空相嶺訪
遺迹開花仙掌半林紅積雪山頭千里白二十四盤飛越過鐵橋瀘
水又緣索

七縱橋通打箭壚武侯威遠方敷吟鞭馱背磨風雨夜帳牛皮飲
酪酥斷續荒城閑馬嘶歌康舞慰征途出關乃見衣冠古西域原
歸王台圖

折多山下水泉溫冰雹山腰六月喧路斷人煙疑太古峯環千萬視
仁孫桑甯鐘撞客如定靈覺塔摩天有痕邛竹葡萄得佳種使君西
去繼張壽

道孚徑微短長亭野寺停驂又壽甯覺日閣浮雲海面樂歌梁望雪
山隱甘滋寶蓋裝精舍竺洒伽藍隱翠屏穩渡雅龍江上水康人皮
筏勝吳淪

典禮肅嚴諏吉期班禪幢蓋降甘孜古來祭告兼巡守久不冊封廢
職司品物補筮藩音志里程錄訂紀行碑山川萬疊從頭寫一百餘

章出塞詩

中原回首頻揮淚，載道流亡何處置。
唐代籌邊尙有樓，邪人避狄能無也。
封侯定遠懷仲升，絕域立功恩介子。
應召幸隨邱處機，韻文續記西遊事。
長安志：召赴雪山，李志常從行，記其往返所歷二卷，非通俗小說，記唐釋玄奘西遊取經事也。

恭讀康遜吟奉酬大隱廬主削正

戴道騮

萬里風塵日日詩，將軍逸致絕堪思。
少陵時事香山句，信手拈來處處宜。

大隱庵詩草卷二

